

ben also vnd nicht anders / dann in voriger strackß gegen Nidergang
stehenden Uhr. Dannenhero ich für vnmötig erachtet / alles vorige mit
verdruß von neuem zuwiderholen.

Beschluß.

Also hastu / lieber Leser / die rechte art / manier vnd form / wie vnd wel-
cher gestalt nicht allein auff einen blatt-wassergleichliegenden ort /
sondern auch an allerley bleyrecht auffstehende Wänden vnd Mawrn /
gerechte / artige vnd vnfehlbare Sonnwhrn zumachen / von mir gelernt
vnd vernommen. Vnd ob wol andere hievor auch von dieser Materi-
en in Teutsch mögen geschriebē haben / so kan jedoch ich mit warheit die-
ses sagen / daß ich die tag meines lebens derselbigen Bücher keines gese-
hen / viel weniger darauß / oder sonsten von cynigem menschē die gering-
ste nachrichtung bekommen / sondern nechst göttlicher Gnad / allein durch
mein stetiges nachsinnen vnd betrachtung der Sonnen lauff / nicht al-
lein jeso beschriebene / sondern noch andere ganz lustige vnd wunder-
barliche Fundamenten / nemblich auff viel eine andere weiß eben diese /
wie dan auch die ein- vnd zurück gebogene Uhrn ganz artig vnd gründ-
lich zuverfertigen gefunden. Dannenhero ich dann auch diß Büchlein
vnder anderem das erste / new / zuvor niemals gesehene Fundament im
Titul zunennen mich nicht geschewet / vnd da ich vermercken werde / daß
du dasselbige dir wirst werth vnd angenehm sein lassen / so sollen / geliebt es
Gott / jez angeregte andere wunderbarliche vnd viel lustigere von mir
practicirte Fundamenten / auch erstes tages / dir vnd allen diser kunst
liebhabern zum besten / in Truck öffentlich von mir gege-
ben werden. Gehab dich wol.

Erratum.

An dem 13 blatt in der letzten Linien stehet A B / soll A B seyn.

Getruckt zu Franckfurt am Mayn / bey
Johann Saur. M DC V.